

Ala xa Masenyi Annabi Esidirasi be Masenyi nde yi Kitaabui xa fe ra

Isirayila xa taruxui findixi masenyi belebele nan na Ala xa mixie be. Alatala to Isirayila sugandi a xa pama ra, e pere ki a nun Ala e meeni ki naxe, na misaali xungbe masenma. Isirayila nu luxi ne alo di loxi naxan gbilenma a baba xa kira singe ma jaxankate saabui ra.

Isirayila bɔnsɔe fu nun firin to e Marigi xa kira bejin, Ala naxa a niya si gbete xa no Isirayila ra, e e keri e xa boxi ma, e e findi konyie ra. Na naxa raba Isirayila seeti ra naxan nu na koola ma, a man naxa raba Isirayila seeti ra naxan nu na yirefanyi ma. Namijɔnmɛ nu na birin kolonma ne, e fa a fala kene ma, beenun a xa raba. E xa masenyi kui, e nu a falama a Alatala na a niyama e xa xanin konyiya kui e xa yunubie xa fe ra, e man nu a falama a Alatala e ragbilenma ne e xa boxi ma je tongo solofere dangi xanbi.

Annabi Esidirasi xa waxati, na je tongo solofere nu bara kamali. Alatala naxa a niya Perise mange Sirusi xa nate tongo Isirayila konyie ragbilenfe e xonyi Darisalamu, alako e xa Ala xa horomobanxi ti. Sirusi nu wama a xon e xa serexee ba a be, kono Ala nu na birin nabama ne alako a xa a xa laayidi rakamali. A nu na meenife a xa pama ma.

Isirayila bɔnsɔɛ to gbilen e xɔnyi, e yaxuie naxa fe birin naba alako e naxa Ala xa hɔrɔmɔbanxi ti. E naxa kalamui sa Perise mangɛ bɛ Isirayila xa fe ra, kɔnɔ a raɔnyi Isirayila naxa nɔ wali rabade. Ala xa namipɔnmɛ Hagi nun Sakari naxa e ralimaniya na wali kui. Na limaniya luma Ala xa mixie yi ra han to. Xa mixi luma Ala sɛti ma, e fama tɔrɛ sɔtɔde Ala yaxuie saabui ra, kɔnɔ a raɔnyi e xa fe sɔɔneyama nɛ Alatala fɔrɔmɛ ra. Ala xa won mali lufe a xa sɔɔneya kira xɔn. Amina.

Ala xa Masenyi Annabi Esidirasi bɛ

Isirayilakae gbilenfe Darisalamu

¹ Perise mangɛ Sirusi xa mangɛya folo jɛ naxan na, Alatala naxa wa fe rakamalife a naxan masen Annabi Yeremi bɛ. Alatala naxa a sa Sirusi bɔjɛ ma, a xa yi masenyi fala, a man xa a sɛbɛ mixie bɛ naxee na a xa yaamari bun ma. Na masenyi nan yi ki:

² «N tan Perise mangɛ Sirusi xui nan ya. Marigi Alatala naxan na koore ma naxan dunɔpa mangɛya birin fixi n ma, a bara n yaamari, n xa hɔrɔmɔbanxi ti a bɛ Darisalamu, Yudaya bɔxi ma.

³ Naxee birin findixi Ala xa jama ra wo ya ma, e birin xa gbilen Darisalamu, Yudaya bɔxi ma, alako e xa hɔrɔmɔbanxi ti Isirayila Marigi Alatala bɛ, naxan na Ala ra Darisalamu.

⁴ Perisekae xa e dɔxɔboore Isirayila mixie ki gbeti, xɛɛma, se fanyie, nun xurusee ra naxee

bama serexe janigexie ra Ala xa horomobanxi kui Darisalamu.»

⁵ Yuda nun Bunyamin bonsœ kuntigie, Lewi bonsœ mixie nun serexedube naxee nu na e ya ma, a nun Ala naxee birin boje rate sigafe ra, e birin naxa siga Ala xa horomobanxi tide Darisalamu.

⁶ E doxooree naxa e ki gbeti, xema, se fanyie, xurusee, nun harige ra, a nun serexe janigexie.

⁷ Mange Nebukadansari nu bara se gbegbe ramini Darisalamu horomobanxi kui a xa waxati, a fa e raso a xa ala xa banxi kui. Perise mange Sirusi naxa na birin namini,

⁸ a e taxu kobiri ragatama Miteredati ra, a xa a rasanba Yudaya mange Sesebasari ma.

⁹ Na see konti nan yi ki: paani xema daaxi tongo saxan, paani gbeti daaxi wulu keren, fine moxonon nun solomanaani,

¹⁰ pileti xema daaxi tongo saxan, pileti gbeti daaxi keme naani, pileti fu, a nun yirabase gbete wulu keren.

¹¹ Na se xema daaxi nun gbeti daaxi birin konti naxa lan yirabase wulu suuli keme naani ma. Isirayila geelimanie to keli Babilon gbilenfe ra Darisalamu, Sesebasari naxa na naafuli birin xanin a xun ma.

2

Mixi naxee gbilen Yudaya

¹ Mixie nan yi ki mange Nebukadansari fa naxee ra Babilon boxi ma, naxee nu wama gbilenfe e xonyi Darisalamu nun Yudaya.

² Sorobabeli, Yesuwa, Nehemi, Seraya, Reelaya, Morodekayi, Bilesan, Mispari, Begifayi, Rexumi, nun Baanna naxa findi e xa yareratie ra. Na Isirayila xεmεε konti nan yi ki:

³ Paroso xa die, mixi wulu firin, mixi kεmε, mixi tongo solofere nun firin.

⁴ Sefataya xa die, mixi kεmε saxan, mixi tongo solofere nun firin.

⁵ Ara xa die, mixi kεmε solofere, mixi tongo solofere nun suuli.

⁶ Mowaba Paxati xa die, mixi wulu firin, mixi kεmε solomasaxan nun mixi fu nun firin. Mowaba Paxati kelixi Yesuwa nun Yowaba xabile nε.

⁷ Elama xa die, mixi wulu keren, mixi kεmε firin, mixi tongo suuli nun naani.

⁸ Satu xa die, mixi kεmε solomanaani, mixi tongo naani nun suuli.

⁹ Sakayi xa die, mixi kεmε solofere nun mixi tongo senni.

¹⁰ Bani xa die, mixi kεmε senni, mixi tongo naani nun firin.

¹¹ Bibayi xa die, mixi kεmε senni, mixi mαxαpεn nun saxan.

¹² Asigadi xa die, mixi wulu keren, mixi kεmε firin, nun mixi mαxαpεn nun firin.

¹³ Adonikama xa die mixi kεmε senni, mixi tongo senni nun senni.

¹⁴ Begifayi xa die mixi wulu firin, mixi tongo suuli nun senni.

¹⁵ Adin xa die, mixi kεmε naani, mixi tongo suuli nun naani.

¹⁶ Ateri xa die, Xesekiya xabile, mixi tongo solomanaani nun solomasaxan.

- 17 Beseyi xa die, mixi keme saxan mixi moxoren nun saxan.
- 18 Yora xa die, mixi keme, mixi fu nun firin.
- 19 Xasuma xa die, mixi keme firin, mixi moxoren nun saxan.
- 20 Gibari xa die, mixi tongo solomanaani nun suuli.
- 21 Beteleemu xeme, mixi keme, mixi moxoren, a nun saxan.
- 22 Mixi naxee keli Netofa, mixi tongo suuli nun senni.
- 23 Mixi naxee keli Anatoti, mixi keme mixi moxoren nun solomasaxan.
- 24 Mixi naxee keli Asamafeti, mixi tongo naani nun firin.
- 25 Mixi naxee keli Kiriya Yeyarimi, Kefira, nun Beroti, mixi keme solofere, mixi tongo naani nun saxan.
- 26 Mixi naxee keli Rama nun Geba, mixi keme senni, mixi moxoren nun keren.
- 27 Mixi naxee keli Mikimasi, mixi keme, mixi moxoren nun firin.
- 28 Mixi naxee keli Beteli nun Ayi, mixi keme firin, mixi moxoren nun saxan.
- 29 Mixi naxee keli Nebo, mixi tongo suuli nun firin.
- 30 Magibisa xa die, mixi keme, mixi tongo suuli nun senni.
- 31 Elama gbete xa die, mixi wulu keren, mixi keme firin, mixi tongo suuli nun naani.
- 32 Xarima xa die, mixi keme saxan, mixi moxoren.
- 33 Mixi naxee keli Lodi nun Xadidi, mixi keme solofere, mixi moxoren nun suuli.

34 Mixi naxee keli Yeriko, mixi keme saxan, mixi tongo naani nun suuli.

35 Mixi naxee keli Senaa, mixi wulu saxan, mixi keme senni, mixi tongo saxan.

36 Serexedubee konti nan yi ki:

Yedaya xa di naxee kelixi Yesuwa xabile, mixi keme solomanaani, mixi tongo solofere nun saxan.

37 Imeri xa die, mixi wulu keren, mixi tongo suuli nun firin.

38 Pasura xa die, mixi wulu keren, mixi keme firin, mixi tongo naani, nun solofere.

39 Xarima xa die, mixi wulu keren, mixi fu nun solofere.

40 Lewi bonsœ konti nan yi ki:

Yesuwa nun Kadamiyeli xa die, mixi tongo solofere nun naani.

41 Beetibae konti nan yi ki:

Asafi xa die, mixi keme, mixi moxœnen nun solomasaxan.

42 Hœromœbanxi makantœ konti nan yi ki:

Salumu, Ateri, Talamœn, Akubu, Xatita, nun Sobayi xa die,

mixi keme, mixi tongo saxan nun solomanaani.

43 Hœromœbanxi walikœe nan yi ki:

Sixa xa die, Xasufa xa die, Tabayoti xa die,

44 Kerosi xa die, Siyaha xa die, Padon xa die,

45 Lebana xa die, Hagabaha xa die, Akubu xa die,

46 Xagabi xa die, Salamayi xa die, Hanan xa die,

47 Gideli xa die, Gaxari xa die, Reyaya xa die,
 48 Resin xa die, Nekoda xa die, Gasama xa die,
 49 Usa xa die, Paseya xa die, Bisayi xa die,
 50 Asana xa die, Mewunima xa die, Nefusima xa
 die,
 51 Bakibuki xa die, Xakufa xa die, Xarixuri xa die,
 52 Basiluti xa die, Mexida xa die, Xarasa xa die,
 53 Barakosi xa die, Sisera xa die, Tema xa die,
 54 Nesiya xa die, nun Xatifa xa die.

55 Mange Sulemani xa walikεe xa die nan yi ki:
 Sotayi xa die, Sofereti xa die, Peruda xa die,
 56 Yaala xa die, Darakon xa die, Gideli xa die,
 57 Sefataya xa die, Xatili xa die,
 Pokereti Hasebayimi xa die, nun Ami xa die.

58 Hōromōbanxi walikεe nun Sulemani xa wa-
 likεe xa die birin findixi mixi keme saxan, mixi
 tongo solomanaani, nun firin nan na.

59 Mixie nan yi ki naxee keli Mela, Xarasa,
 Kerubu Adan, nun Imeri. E mu nō a masende
 a e xabile findixi Isirayilakae nan na.

60 Delaya xa die, Tobiya xa die, nun Nekoda xa
 die,
 e findixi mixi keme senni mixi tongo suuli nun
 firin nan na.

61 Serexedubee xa die fan nu na e ya ma:
 Xabaya xa die, Hakosi xa die, nun Barasilayi xa
 die.

Barasilayi xa die benba nu bara Barasilayi Gal-
 adika xa di gine dōxo,
 a man naxa na xili tongo.

62 E xilie to mu to taruxui kui, e mu nōxi
 serexedube wali rabade.

⁶³ Mange naxa a fala e be, a e naxa donse seniyeñxi don han serexedube nde noma e xa fe rafixede Ala xa tonxumae Urimi nun Tumimi saabui ra temui naxe.

⁶⁴ Nama naxan gbilen Yudaya, a birin findi mixi wulu tongo naani nun firin, mixi keme saxan mixi tongo senni nan na.

⁶⁵ Konyi ginnee nun xeme mu nu na na konti ya ma. E fan lanxi mixi wulu solofere, mixi keme saxan tongo saxan nun solofere nan ma. Beetibae fan findi mixi keme firin nan na.

⁶⁶ Yi daalise xasabi nu na e yi ra: soe keme solofere, tongo saxan nun senni, soe banaxi keme firin, tongo naani nun suuli,

⁶⁷ ɲoxome keme naani, tongo saxan nun suuli, a nun sofale wulu senni, keme solofere moxɔpen.

⁶⁸ Xabile kuntigie to Ala xa banxi li Darisalamu, e naxa serexe janigexi ba Ala xa banxi xa fe ra, alako a man xa ti menni.

⁶⁹ E naxa kobiri ba yi wali xa fe ra. Na kobiri findi kobiri kole wulu tongo senni nun keren nan na xema daaxi, a nun kobiri kole wulu suuli gbeti daaxi. E man naxa serexedube dugi keme ba yi wali xa fe ra.

⁷⁰ Na nan na ki serexedubee, Lewi bonsɔe mixie, beetibae, hɔromɔbanxi kantae, nun hɔromɔbanxi walikae, e birin naxa sabati e gbe tae kui, a nun Isirayilakae birin.

3

Ala xa serexebade nun hɔromɔbanxi tife

¹ Kike solofere to kamali, Isirayilaka naxee nu na na taae kui, nee birin naxa e malan Darisalamu.

² Yosadaki xa di Yesuwa nun a booree serexedubee, a nun Salatiyeli xa di Sorobabeli nun a booree, e naxa kafu e boore ma, e serexebade ti Isirayila Marigi Ala be, alako e xa serexe gan daaxie ba alo Annabi Munsa a masen seriyee kui ki naxee.

³ E naxa na serexebade ti a yire fori, e man naxa serexe ba folo geesege nun nunmare. E nu na birin nabafe gaaxui nan kui si gbete xa fe ra, naxee nu na e rabilinyi.

⁴ E naxa Bage Ti Sali raba alo a sebexi kitaabui kui ki naxee, e man nu serexee bama loxo yo loxo seriyee ki ma.

⁵ E nu serexe gan daaxi bama Kike Neene Sali nun sali xungbee waxati, a nun temui gbete mixi nde na a janige temui naxee.

⁶ Na kike solofere nde loxoe singe, e naxa serexe ba folo Ala be, konoo Alatala xa horomobanxi mu nu korinxi sinden.

⁷ Na temui e naxa kobiri ba alako Sidon nun Tire geme masolie nun banxitie xa fa e malide. E naxa sansi xorie, weni, nun ture fan ba e be, alako e xa fa wuri ra ye kira ra kelife Liban han Yafa, alo Perise mange Sirusi a yamari ki naxee.

⁸ Na je igbilenyi, kike firin nde, Salatiyeli xa di Sorobabeli, Yosadaki xa di Yesuwa, e ngaxakerenyie, serexedubee, Lewi bonsoe mixie, nun pama naxan keli konyiya kui Perise boxi ma, e birin naxa wali folo. Alatala xa banxi wali naxa taxu Lewi bonsoe mixie ra, naxee nu bara je moxopen nun a xanbi soto.

⁹ Yesuwa naxa a xa die, nun a ngaxakerenyi Kadamiyeli, nun a xa die ti hōrōmōbanxi walikēe xunyie ra, a nun Xenadadi, a xa die, nun a ngaxakerenyi naxee kelixi Lewi bōnsōe.

¹⁰ Walikēe to γε Alatala xa hōrōmōbanxi kōorinde, sērēxēdubēe nun Asafi xa di Lewi bōnsōe mixie naxa Alatala matōxō sarāe nun maxasee xui ra, Isirayila mangē Dawuda xa sēriye ki ma.

¹¹ E nu Alatala tantu, e a matōxō yi bēeti ra, «Alatala nan fan, a hinnēma Isirayila ra abadan.»

Nama birin naxa Alatala matōxō e xui itexi ra, Alatala xa banxi kōorinfē xa fe ra.

¹² Fori naxee nu bara Ala xa hōrōmōbanxi singe to, e findi sērēxēdubēe ra, e findi kuntigie ra, e naxa wa e xui itexi ra. Booree naxa e xui rate sēēwe kui.

¹³ Nama mu nō jēlēxinyi xui nun wa xui tagi rasade, barima jama xui xa gboe nu sigama han yire makuye.

4

Isirayila yaxuie xa kats

¹ Yuda bōnsōe nun Bunyamin bōnsōe yaxuie naxa a kolon, mixi naxee nu na konyiya kui Perise bōxi ma, e bara Isirayila Marigi Alatala xa hōrōmōbanxi ti fōlo.

² E naxa siga, e a fala Sorobabeli nun Isirayila kuntigie bē, «Muxu wama a xōn ma nē, won birin xa kafu won bore ma Ala xa hōrōmōbanxi tife ra. Muxu wo Marigi Ala nan batuma, muxu

fan nu serexe bama ne a be kabi Asiriya mange Esarixadoni temui, naxan fa muxu ra be.»

³ Kɔnɔ Sorobabeli, Yesuwa, nun Isirayila kuntigie naxa e yaabi, «A mu lanma won birin xa yi wali raba. Muxu gbansan nan Ala xa hɔrɔmɔbanxi tima Isirayila Marigi Alatala be, alɔ Perise mange Sirusi a yamari ki naxe.»

⁴ Na kui, mennikae naxa kata limaniya bade Yudayakae yi ra. E naxa fe birin naba alako e xa na salide tife lu na.

⁵ E naxa kɔbiri fi Yudaya marasima ndee ma alako na wali xa kana. Kelifie Perise mange Sirusi xa temui, sa dɔxɔ Perise mange Dariyusi xa temui ra, e naxa fe birin naba na wali xun nakanafe ra.

⁶ Asuyerusu to mangeya sɔtɔ Perise bɔxi ma, Yudayakae yaxuie naxa kalamui keedi nde sebe a ma Yudayakae nun Darisalamukae xa fe ra.

⁷ Perise mange Atasakasi xa waxati fan, Bikilamu, Miteredati, Tabeeli nun e boore dɔnxɔee naxa bataaxe sebe mange ma Arami xui ra.

⁸ Gomina Rexumi xa sebeliti Simesayi naxa yi bataaxe sebe mange Atasakasi ma a rakolonfe ra Darisalamu xa fe ma. A yi nan sebe:

⁹ «Yi bataaxe fatanxi Gomina Rexumi nan ma, nun a xa sebeliti Simesayi, a xa kuntigi naxee findixi kiitise, sebelitie Erekiakae, Babilɔnkae, nun Susaka naxee kelixi Elama bɔxi ma,

¹⁰ a nun si gbete mixie, mange xungbe Usinapari naxee rasiga Efirati naakiri ma, e xa sabati Samari taae kui.

¹¹ Mange Atasakasi, yi bataaxe fatanxi i xa konyie nan na, naxee na xure naakiri ma.

¹² Mange, i xa a kolon Yuwifi naxee keli i xa boxi ma, e bara fa muxu mabiri, e fa sabati Darisalamu. E na na taa rakelife, naxan kolonxi matandilae xa taa ra. E bara a tete yailan folo.

¹³ Mange, i xa a kolon, xa e na tete yailan, e naxa na taa ti, mennikae mu duuti yo fima i ma sonon. Na findima fe xoxoxe nan na mangasanyi be.

¹⁴ Na na a ra, muxu tan naxan tixi i xanbi ra, muxu mu noma na fe binyetarepa tode, a fa lu muxu mu i rakolon.

¹⁵ I na i babae xa taruxuie xaran, i fama a tode na taaka matandilae mu mange yo binyama. Kabi temui xonkuye e luma mangee matandi ra. E xa taa nu bara kana na nan ma.

¹⁶ Mange, muxu xa a fala i be, xa yi taa nun a tete rakeli, i fama ne gande i xa boxi ra naxan na bebiri Efirati xure naakiri ma.»

¹⁷ Mange naxa e yaabi yi sebeli ra, «I tan gomina Rexumi, nun i xa sebeliti Simesayi, nun I xa kuntigi naxee na Samari nun yire gbete Efirati xure naakiri ma, n bara wo xebu.

¹⁸ N ma mixie bara wo xa bataaxe madangi n ma xui ra, e a xaran n be.

¹⁹ N bara e yamari e xa na taa taruxui fen. Na kui n bara a kolon, na taa luma mangasanyi matandi ra kabi temui xonkuye.

²⁰ Mange gbangbalanyi ndee nu na Darisalamu, naxee nu pamane birin yamarima naxee nu na Efirati xure naakiri ma. Birin nu duuti fima e ma.

²¹ Na kui, wo xa a fala na mixie be a e xa wali iti han n yaamari fima temui naxe.

22 Wo xa na mato a fanyi ra alako mangasanyi xun naxa rakana na fe ma.»

23 Gomina Rexumi, nun a xa sebeliti Sime-sayi, nun mange gbetee to mange Atasakasi xa bataaxe xaran, e naxa siga keren na Darisalamu Yuwifie yire, e xa na wali iti senbe ra.

24 Na kui Ala xa banxi tife Darisalamu naxa iti han Perise mange Dariyusi xa mangeya ne firin nde.

5

Gbilenfe hɔrɔmɔbanxi tife ma

1 Na temui Annabi Xagayi nun Ido xa di Annabi Sakari naxa Isirayila Marigi Ala xa masenyi ti Yuwifie be, naxee nu na Yudaya nun Darisalamu.

2 Na dangi xanbi, Salatiyeli xa di Sorobabeli nun Yosadaki xa di Yesuwa, naxa gbilen Ala xa hɔrɔmɔbanxi ti ra Darisalamu. Ala xa namipɔnmee naxa kafu e ma na wali kui.

3 Na waxati, Tatenayi, naxan findi gomina ra Samari bɔxi ma, a nun Setara Bosenayi, nun e xa kuntigie naxa fa, e e maxɔrin, «Nde wo yamarixi wo xa yi banxi nun yi tete ti?

4 Ndee na yi wali kui? Wo xa na kanyie xilie fala muxu be.»

5 Kɔnɔ Ala nu a pengi saxi Yuwifi kuntigie xɔn ma. Yuwifie yaxuie mu nɔ wali itide, beenun e xa bataaxe sebe mange Dariyusi ma, e man xa a yaabi soto yi wali xa fe ra.

6 Samari gomina Tatenayi, Setara Bosenayi, nun e xa kuntigie naxa yi bataaxe sebe mange Dariyusi ma:

7 «Mange Dariyusi, muxu bara i xeebu.

⁸ Mange, muxu xa i rakolon muxu bara siga Yuda ya bɔxi ma, e na Ala Xungbe xa hɔrɔmɔbanxi tife dennaxe. Yuwifie na a tife gemε xungbee ra, wurie saxi a kɔn na. E xa wali na soɔneyafe a fanyi ra.

⁹ Muxu bara e xa forie maxɔrin, <Nde wo yamarixi wo xa yi salide nun yi tete ti?>

¹⁰ Muxu man bara e xa yareratɛ xilie maxɔrin, alako muxu xa nee fala i be.»

¹¹ «Kɔnɔ e muxu yaabixi yi masenyi nan na: <Ala xa konyie nan muxu ra, naxan koore nun bɔxi daaxi. Muxu wama a xa hɔrɔmɔbanxi nan tife, Isirayila mange xungbe nde nu bara naxan singe ti temui xɔnkuye.

¹² Kɔnɔ kabi muxu benbae Ala Koore Daa Mange raxɔnɔ, a naxa e findi Babilɔn mange Nebukadansari xa konyie ra. Na Kalidika naxa yi salide kana, a man fa bekae xanin Babilɔn.

¹³ Na waxati dangi xanbi, Sirusi naxa findi Babilɔn mange ra, a fa yaamari fi a xa mangeya ɲε singe ra, Ala xa hɔrɔmɔbanxi man xa ti.

¹⁴ Mange Sirusi naxa xεema nun gbeti ba Babilɔn salide kui, Babilɔn mange Nebukadansari naxan tongoxi Darisalamu salide kui, a na birin so Sesebasari yi ra, a naxan ti Yudaya gomina ra.

¹⁵ A naxa a fala a be, «Yi se birin xanin Darisalamu, e xa raso Ala xa hɔrɔmɔbanxi kui. Wo xa Ala xa banxi ti a yire fori.»

¹⁶ Sesebasari to fa Darisalamu, a naxa Ala xa hɔrɔmɔbanxi kɔrin. Sa keli na lɔxɔε ma fa dɔxɔ to ra, muxu na na wali nan fari, kɔnɔ a mu ɲɔnxi sinden.»

¹⁷ «Mange, na kui xa i bara tin a ra, i xa mange taruxui forie mato, alako i xa a kolon xa mange

Sirusi yaamari fi ne Ala xa hōrōmōbanxi xa ti Darisalamu. Na temui, i xa i sago masen muxu be na fe ma.»

6

Hōrōmōlingira rabife

¹ Mange Dariyusi naxa mixie yamari e xa na taruxui forie fen Babilōn naafuli ragataxi dennaxe.

² E naxa seбели nde to Ahameta taa kui Mediya bōxi ma naxan yi masenxi:

³ «Mange Sirusi xa mangeya ne singe, a naxa a yamari a Ala xa hōrōmōbanxi, naxan nu na Darisalamu, a man xa gbilen ti ra, alako serexee xa ba menni. A xa ti geme xungbee fari. A xa ite nun a xa gboe xa lan nongon ya tongo senni ma.

⁴ Geme masolixi xa findi safe saxan na, wuri neene fan xa findi safe kereṅ na. Na wali sare xa keli mangasanyi xa naafuli kui.

⁵ Mange Nebukadansari se naxee tongo Darisalamu hōrōmōbanxi kui, yirabase xema nun gbeti daaxie, nee birin xa ragbilen, e xa raso Ala xa hōrōmōbanxi kui naxan tima Darisalamu.»

⁶ «Na nan a ra, Samari gomina Tatenayi, Setara Bosenayi, nun wo xa kuntigie, wo gbilen yi fe foxo ra.

⁷ Wo xa a lu Yuwifigomina nun e xa forie xa Ala xa hōrōmōbanxi ti a yire fori.

⁸ N bara wo yamari na Yuwifie xa wali xa fe ra, wo xa wo xa duutie fi e tan nan ma, a xa findi na wali sare ra, alako Ala xa banxi tife xa sooneya.

⁹ E hayi na fe naxan birin ma, a xa findi Koore Ala xa serexε gan daaxi ra, wo xa na fi e xa serexedubεε ma, alɔ tuura yɔrε, yεxεε kontonyi, yεxεε, mengi, fɔxɔε, weni, nun ture. Wo xa na fi e ma lɔxɔ yo lɔxɔ alɔ e wama a xɔn ma ki naxε. Wo naxa na wali lu na de,

¹⁰ alako e xa serexε fanyi ba Koore Ala bε, e man xa duba mange nun a xa die bε.

¹¹ N bara yi yaamari sa na fari: Mixi yo naxan tondi n ma seriye ratinmede, wo xa wuri keren ba na kanyi xa banxi ma, wo xa a gbaku na wuri ma. A xa banxi xa kana a xa matandi xa fe ra.

¹² Mange nun mixi naxan birin katama e xa Ala xa hɔrɔmɔbanxi rabira, naxan tixi Darisalamu, Ala xa na kanyie fan nabira. N tan Dariyusi, n ma yamari nan na ki. Fo wo xa na raba nε teku.»

¹³ Na kui, Samari mange Tatenayi, Setara Bosenayi, nun e xa kuntigie naxa na yaamari rabatu alɔ mange Dariyusi a yamarixi ki naxε.

¹⁴ Yuwifi xa wali naxa sooneya a fanyi ra alɔ e xa forie nu wama a xɔn ma ki naxε. Annabi Xagayi nun Ido xa di Annabi Sakari fan naxa lu Ala xa masenyi kawandi ra. Ala xa hɔrɔmɔbanxi naxa ti alɔ Isirayila Marigi Ala a yamarixi ki naxε, Perise mangεε Sirusi, Dariyusi, nun Atasakasi sago bun ma.

¹⁵ Na hɔrɔmɔbanxi naxa gε tide Adari kike, xi saxan nde, Dariyusi xa mangεya jε senni nde kui.

¹⁶ Isirayila serexedubεε, Lewi bɔnsɔε, nun jama birin naxan kelixi konyiya kui Perise bɔxi ma, e naxa Ala xa hɔrɔmɔbanxi rabi sεwε ra.

¹⁷ Na λοχσϵ e naxa tuura keme, γεχεε kontonyi keme firin, nun γεχεε keme naani ba serexe ra. E man naxa si kontonyi fu nun firin ba yunubi xafari serexe ra Isirayila bonsosϵ fu nun firin xa yunubie xa fe ra.

¹⁸ E naxa serexedubee nun Lewi bonsosϵ mixie birin ti kankan xa wali ra horomobanxi kui Darisalamu, alo a sebexi Tawureta Munsa kui ki naxe.

¹⁹ Yuwifi naxee kelixi konyiya kui Perise boxi ma, nee naxa Sayamaleke Dangi Sali raba kike singe xi fu nun naani nde ma.

²⁰ Serexedubee nun Lewi bonsosϵ mixie birin nu bara e yete raseniye, alako e xa Sayamaleke Dangi Sali serexe ba e ngaxakerenyie, serexedubee, nun pama birin be, naxee kelixi konyiya kui Perise boxi ma.

²¹ Isirayilaka naxee keli konyiya kui nun e doxooboore naxee gbilen na boxi xa naamunyi foxo ra, e birin naxa malan yire keren Isirayila Marigi Alatala xa fe fenfe ra.

²² E naxa Taami Lebinitare Sali raba xi solofere bun ma seewe kui, barima Alatala nu bara Asiriya mange bojne mafindi e be, alako e xa Isirayila Marigi Ala xa horomobanxi ti.

7

Annabi Esidirasi xa wali

¹ Na waxati to dangi, Perise mange Atasakasi xa mangeya bun ma, Annabi Esidirasi naxa fa Darisalamu.

Esidirasi findi Seraya xa di nan na.

Seraya findi Asaraya xa di nan na.

Asaraya findi Xilikiya xa di nan na.

² Xilikiya findi Salumu xa di nan na.

Salumu findi Sadoki xa di nan na.

Sadoki findi Axituba xa di nan na.

³ Axituba findi Amaraya xa di nan na.

Amaraya findi Asaraya xa di nan na.

Asaraya findi Merayoti xa di nan na.

⁴ Merayoti findi Seraxaya xa di nan na.

Seraxaya findi Yusiyeleli xa di nan na.

Yusiyeleli findi Buuki xa di nan na.

⁵ Buuki findi Abisuwa xa di nan na.

Abisuwa findi Finexasi xa di nan na.

Finexasi findi Eleyasari xa di nan na.

Eleyasari findi Haruna serexedube kuntigi xa di nan na.

⁶ Annabi Esidirasi naxa fa Darisalamu kelife Babilon boxi ma. Karamoxo belebele nan nu a ra, a Tawureta Munsa kolon a fanyi ra, Isirayila Marigi Alatala seriye naxan so Annabi Munsa yi ra. Perise mange naxa Annabi Esidirasi waxonfe birin naba a be, barima mixi na a ra a Marigi Alatala pengi saxi naxan xon ma.

⁷ Isirayilaka ndee, serexedubee, Lewikae, beetibae, salide naade kantae, a nun walikae, e birin naxa te Darisalamu, mange Atasakasi xa mangeya ne solofere nde ra.

⁸ Annabi Esidirasi soxi Darisalamu, mange xa mangeya ne solofere kike suuli nde nan ma.

⁹ A keli Babilon kike singe xi singe ne, a naxa so Darisalamu kike suuli nde a xi singe nde ma, Ala xa hinne saabui ra.

¹⁰ Annabi Esidirasi nu bara a tun nabexi xaranyi ma nun Alatala xa seriye rabafe ma. A nu Ala xa seriye tinxixi masenma ne Isirayilakae be.

¹¹ Mange Atasakasi yi bataaxe nan sebe Annabi Esidirasi ma, naxan findi serexedube nun karamoxo ra, naxan Ala xa seriye birin kolon Isirayila xa fe ra.

¹² «Yi bataaxe kelixi n tan Atasakasi nan ma, mangee xa mange, katarabi Annabi Esidirasi ma, naxan mixi xaranma Koore Marigi Ala xa seriye ra.

¹³ N bara yaamari fi alako i tan xa no Isirayilakae, serexedubee, nun Lewi bonsoe mixie birin xaninde Darisalamu, naxee na be Perise boxi ma konno e wama sigafe naa.

¹⁴ N tan mange nun n ma santigi solofere nan i xeexi, i xa sa a mato Yudayakae nun Darisalamukae na Ala xa seriye rabatufe ki naxe. Na kitaabui na i yi ra.

¹⁵ I man xa gbeti nun xeeema xanin, n tan nun n ma santigie naxan janigexi Isirayila Marigi Ala be naxan na Darisalamu.

¹⁶ I man xa gbeti nun xeeema xanin, Babilonkae naxan soma i yi ra, a nun Isirayilakae nun e xa serexedubee naxan janigema e Marigi Ala xa horomobanxi be naxan na Darisalamu.

¹⁷ I xa tuurae, yexee kontonyie, yexeee, mengi, nun weni sara na naafuli ra, e xa ba serexe ra wo Marigi Ala xa serexebade ma Darisalamu.

¹⁸ I tan nun i ngaxakerenyie na wa fe naxan nabafe yi gbeti nun xeeema donxoe ra, wo xa a raba alo Ala wama a xon ma ki naxe.

¹⁹ I xa siga yirabasee birin na, muxu bara naxee so i yi ra, naxee lan e xa rawali wo Marigi Ala xa banxi kui. I xa na dentegge Ala be Darisalamu.

²⁰ Xa i hayi na kobiri gbete ma, i xa a tongo

mangε xa naafuli yire alako i Marigi Ala xa banxi wali xa sɔɔneya.»

²¹ «N tan mangε Atasakasi bara yaamari fi n ma kɔbiri yire xunyie ma naxan na xure naakiri ma, xa a sa a li Annabi Esidirasi, Ala xa sɛrɛxɛdubɛ naxan mixi xaranma Koore Ala xa sɛriyɛ ra, xa a hayi na kɔbiri nde ma, wo xa a so a yi ra,

²² han gbeti kilo wulu saxon, kilo kɛmɛ naani, mɛngi xɔri busali wulu keren, wɛni litiri wulu firin, litiri kɛmɛ firin, ture litiri wulu firin, litiri kɛmɛ firin, a nun fɔxɔɛ a na wa naxan xasabi xɔn.

²³ Wo xa Koore Ala xa yaamari birin naba a fanyi ra a xa hɔrɔmɔbanxi xa fe ra, alako a naxa xɔnɔ won ma mangɛya ma a nun n ma die ma.

²⁴ Wo naxa duuti yo rasuxu yi mixie yi ra, hali bɔxi igiri sare. Wo naxa sese ba yi sɛrɛxɛdubɛɛ yi ra, a nun Lewi bɔnsɔɛ mixie, bɛɛtibae, salide naade kantae, walikɛɛ, a nun naxee birin walima Ala xa banxi kui.»

²⁵ «I tan Annabi Esidirasi, i xa mangɛɛ nun kiitisae ti jama bɛ naxee na xure naakiri ma alɔ Ala a masenma i bɛ ki naxɛ lɔnni ki ma. E xa Ala xa jama yamari tinxinyi ra. I xa Ala xa sɛriyɛ masen mixie bɛ naxee mu a kolon.

²⁶ Mixi yo naxan mu i Marigi Ala xa sɛriyɛ rabatu, a nun mangɛ xa sɛriyɛɛ, na kanyi xa faxa, xa na mu a xa keri bɔxi ma, xa na mu a xa kɔbiri ba, xa na mu a xa sa geeli.»

²⁷ Tantui na Alatala bɛ, won benbae Marigi Ala, naxan mangɛ bɔɔɛ rafalaxi a xa wali birin ma Alatala xa hɔrɔmɔbanxi tife ra Darisalamu.

²⁸ Marigi bara hinne n na mange nun a xa santigie nun a xa batulae ya xori. N Marigi Alatala to na senbe fi n ma, n naxa Isirayila kuntigie malan alako muxu birin xa te.

8

Annabi Esidirasi xa biyaasi

¹ Denbaya kanyie xili nan ya, naxee n mati kelife Babilon sigafe ra Darisalamu mange Atasakasi xa waxati:

² Gerisomi, naxan keli Finexasi xabile.

Daniyeli, naxan keli Itamari xabile.

Xatusi, naxan keli Dawuda xabile.

³ Sekanaya xa di nde.

Sakari nun xeme keme tongo suuli, naxee keli Paroso xabile.

⁴ Eliyehowenayi, naxan keli Mowaba Paxati xabile.

Seraxaya xa di nde nun mixi keme firin.

⁵ Sekanaya xa di ndee.

Yaxasiyeli xa di nde nun mixi keme saxan.

⁶ Ebedi, naxan keli Adin xabile.

Yonatan xa di nun mixi tongo suuli.

⁷ Yesaya, naxan keli Elama xabile.

Atalaya xa di, nun mixi tongo solofere.

⁸ Sebadaya, naxan keli Sefataya xabile.

Mikayeli xa di nde nun mixi tongo solomasaxan.

⁹ Abadiyasi, naxan keli Yowaba xabile.

Yexiyeli xa di nun mixi keme firin mixi fu nun solomasaxan.

¹⁰ Selomiti xa di ndee.

Yosifiya xa di nun mixi keme mixi tongo senni.

- 11 Sakari, naxan keli Bibayi xabile, a nun mixi moxɔɔɛn nun solomasaxan.
- 12 Yoxanan, naxan keli Asigadi xabile, a nun mixi kemε mixi fu.
- 13 Elifeleti, Yuweli, nun Semaya, naxee keli Adonikama xabile, nun mixi tongo senni.
- 14 Utayi nun Sabudu, naxee keli Begifayi xabile, nun mixi tongo solofere.

15 N naxa yi mixie malan xure de ra, xure naxan goroma Ahawa. Muxu naxa lu menni xi saxan. N to pama mato, n naxa a rakɔɔsi a serexedubee nu na, kɔɔɔ Lewi bɔnsɔε mixie mu nu na pama ya ma.

16 N naxa yi kuntigie xili: Eliyeseri, Ariyeli, Semaya, Elinatan, Yaribu, Elinatan, Natan, Sakari, nun Mesulama. N naxa karamɔɔɔ Yoyaribu nun Elinatan fan xili.

17 N naxa e xεε Kasifiya, mangε Ido xonyi. N naxa a fala e bε e xa Ido nun a ngaxakerenyie mayandi e xa mixi ndee so muxu yi ra naxee nɔma walide won Marigi Alatala xa hɔɔɔmɔɔbanxi kui.

18 Won Marigi Ala naxa muxu mali na fe kui, e fa Maxali xa di Serebiya xεε, naxan keli Lewi bɔnsɔε ma. Xaxilima nan nu a ra. A naxa fa, a nun a xa die, nun a xunyae. E birin nalanxi mixi fu nun solomasaxan.

19 Xasabiya nun Yesaya, naxan keli Merari bɔnsɔε, nun e xunyae nun e xa die, e fan naxa fa. E lan mixi moxɔɔɛn nan ma.

20 E naxa fa hɔɔɔmɔɔbanxi walike kemε firin nun moxɔɔɛn na, alɔ mangε Dawuda nun bɔxi kuntigie nu bara nate tongo ki naxε. Nee xa lu

Lewi bõnsõε mixie xa yaamari bun ma. E xilie birin nu seβexi.

²¹ Na temui, n naxa a fala mixi birin βε Ahawa xure dε ra, muxu xa sunyi suxu, muxu xa muxu magoro muxu Marigi Ala βε, alako muxu xa a maxandi a xa muxu xa biyaasi sõõneya muxu tan nun muxu xa die βε. A xa muxu harige birin kanta.

²² N yaagixi mangε maxõrinde a xa sõõrie xa sa muxu mati alako e xa muxu ratanga muxu yaxuie ma kira xõn ma. N nu bara a fala mangε βε, «Muxu Marigi Ala mēenima a fõxirabirεε ma, kõnõ a xõnõma senβε ra mixi birin ma naxan a raboloma.»

²³ Na nan a toxi muxu naxa sunyi suxu, muxu naxa muxu Marigi Ala maxandi. A naxa na duba suxu.

²⁴ N naxa mixi fu nun firin sugandi sεrεxεdubε kuntigie ya ma. Nee findixi Serebiya, Xasabiya, nun e xunya fu nan na.

²⁵ N naxa gbeti, xεεma, nun yirabase maniya e βε, mangε, a xa santigie, a xa mangεdie, nun Isirayilakae naxee soxi muxu yi ra muxu Marigi Ala xa hõrõmõbanxi βε.

²⁶ N naxan soxi e yi ra na nan ya: gbeti kilo wulu fu nun firin, kilo kεmε, yirabase gbeti daaxi kilo wulu saxan kilo kεmε naani, xεεma kilo wulu saxan kilo kεmε naani,

²⁷ põõti xεεma daaxi mõxõpɛn, naxan sare kõbiri kole xεεma daaxi wulu keren lima, nun yirabase firin naxan yailanxi yõxui ra. Na sare gbo alõ xεεma sare.

²⁸ N naxa a fala e βε, «Wo bara findi wo benbae Marigi Alatala gbe ra, wo tan nun yi naafuli birin.

Wo birin bara findi serexe janigexi ra a be.

²⁹ Wo xa wo jengi sa yi birin xon ma han wo xa sa a dentegε serexedube kuntigie be, Lewi bonsœ mixie nun Isirayila xabile kuntigie be Darisalamu, Alatala xa hœromœbanxi xa naafuli ragatama dennaxe.»

³⁰ Na nan na ki serexedubee nun Lewi bonsœ mixie naxa xεema, gbeti, nun yirabase maniyaxie soto, e naxan xaninma Darisalamu muxu Marigi Ala xa banxi kui.

³¹ Muxu naxa keli Ahawa xure de ra sigafe ra Darisalamu, kike singe xi fu nun firin nde ra. Ala naxa muxu ratanga muxu yaxuie ma kira xon ma.

³² Muxu to so Darisalamu, muxu naxa muxu malabu xi saxan.

³³ A xi naani nde, muxu naxa xεema, gbeti, nun yirabasee maniya Ala xa hœromœbanxi kui. Muxu naxa na so serexedube Meremoti, Uriya xa di yi ra, Finexasi xa di Eliyeseri, nun Yesuwa xa di Yosabadi, nun Binuwi xa di Nowadiya ya xœri. E birin findixi Lewi bonsœ mixie nan na.

³⁴ E to ge na birin kontide nun a maniyade, e naxa na xasabi sebe.

³⁵ Nama naxan keli konyiya Perise boxi ma, nee naxa serexe gan daaxi ba Isirayila Marigi Ala be. Na findi tuura fu nun firin nan na Isirayila bonsœ birin be, nun yexεε kontonyi tongo solomanaani nun senni, yexεε tongo solofere nun solofere, nun sikote fu nun firin. Na findi yunubi xafari serexe nan na a gan daaxi.

³⁶ E naxa mange xa yaamari so a rasimae nun a xa gominae yi ra, naxee nu na naakiri ma, alako e xa Isirayilakae mali Ala xa banxi tide.

9

Si gbete ginεe dɔxɔfe

¹ Na fe birin to ba a ra, kuntigie naxa fa n yire, e naxa a fala n be, e naxe, «I xa a kolon a Isirayilakae, serexedubee, nun Lewi bonsɔe mu gbilenxi si gbeteε xa naamunyi jaaxie fɔxɔ ra. E bara bira Kanaankae, Xitikae, Perisikae, Yebusukae, Amonikae, Mowabakae, Misirakae, nun Amorikae xa wali kobie fɔxɔ ra.

² E bara na sie xa di ginεe dɔxɔ, e man bara e fen futi ra e xa die be. E bara won ma si seniyenxi masunbu si gbeteε ra. Forie nun kuntigie nan singe na fe rafɔɔ.»

³ N to na me, n naxa n ma donmae ibɔɔ, n naxa n xunsexe nun de xabe matala, n fa dɔxɔ yigitεge kui.

⁴ Mixi naxee findi Ala yaragaaxuie ra, nee birin naxa fa n yire na mixie xa wali kobi xa fe ra. N naxa lu naa han nunmare serexe temui.

⁵ Nunmare serexe temui, n naxa siga, n naxa n xinbi sin, n nan n belexe ti n Marigi Alatala be n ma donma ibɔɔxie ra n ma.

⁶ N naxa a fala, «N Marigi, n bara kontɔfili, n bara yaagi i xɔn ma, barima muxu xa yunubie i mabiri bara gbo han a bara dangi a i.

⁷ Kelife muxu benbae xa temui ma, fa dɔxɔ to ra, muxu na na wali kobie nan fari. Na na a ra, i bara muxu nun muxu xa mangεe nun muxu xa serexedubee jaxankata. I bara muxu lu si gbeteε yi ra, e xa muxu faxa santidegema ra, e xa muxu xanin, e xa muxu harige birin suxu. Han to muxu na na kontɔfili nan kui.

⁸ Kɔnɔ yakɔsi, yi waxati di kui, i tan muxu Marigi Alatala bara hinne muxu ra, i bara nde rakisi, i bara muxu raso i xa yire seniyeŋxi, alako muxu xa limaniya, muxu xa heeri nde sɔtɔ muxu xa konyiya kui.

⁹ Muxu nu na konyiya kui, kɔnɔ muxu Marigi Ala mu muxu rabolo. A naxa hinne muxu ra Perise mangɛe ya xɔri. A naxa muxu rakisi alako muxu xa muxu Marigi Ala xa hɔrɔmɔbanxi ti a nu na dennaxe, muxu man xa kantari sɔtɔ Yudaya bɔxi ma Darisalamu kui.»

¹⁰ «Yakɔsi, muxu Marigi Ala, muxu xa munse fala sɔnɔn?»

¹¹ Muxu bara i xa seriye matandi, i seriye naxan so muxu yi ra i xa konyi di namijɔnmɛe saabui ra. E a fala nɛ, <Wo fama sode bɔxi naxan ma, wo lan wo xa dɔxɔ dennaxe, naakae xa yunubie bara gbo han a bara dangi a i. Menni birin bara findi yire seniyentare ra.

¹² Wo naxa tin wo xa die fide naakae ma. Wo man naxa na di ginɛe fan tongo wo xa die be. Wo naxa saate yo tongo e be, wo man naxa bira e harige fɔxɔ ra. Xa wo mu bira na fe jaaxi moolie fɔxɔ ra, wo fama nɛ senbe sɔtode, wo na bɔxi daxamui donma nɛ, wo xa die fan fama na bɔxi sɔtode ke ra.»

¹³ «Muxu Marigi, i bara muxu jaxankata muxu xa yunubie xa fe ra, kɔnɔ na jaxankate mu gbo alo muxu xa yunubi gboxi ki naxe. I bara tin muxu rakiside, muxu tan naxee na be yi ki.

¹⁴ Munse nɔma a niyade muxu man xa gbilen i xui matandi ra, han muxu nun yi si gbeteɛe xa lu yire keren? Xa na na a ra, i fama xɔnode

muxu ma han i muxu birin halaki. Mixi keren mu kisima.

¹⁵ Isirayila Marigi Alatala, i bara tin i xa muxu rakisi. Muxu tixi i ya tode ra, muxu tan yunubitɔɛɛ, hali mixi seniyantare yo mu daxa a xa ti i ya tode ra.»

10

Mɛɛfe si gbɛɛ ginɛ ra

¹ Annabi Esidirasi to nu wafe Ala xa banxi dɛ ra yunubi xafari maxandife ra, Isirayilaka gbege naxa fa a sɛɛti ma, xɛmɛɛ, ginɛ, a nun dimɛɛ. E fan naxa wa fɔlɔ ki fanyi ra.

² Awa, Yɛxiyɛli xa di Sekanaya, naxan kelixi Elama bɔnsɔɛ, a naxa a fala Annabi Esidirasi bɛ, «Muxu bara wali kobi raba naxan mu rafan muxu Marigi Ala ma si gbɛɛ di ginɛ dɔxɔfe ra. Kɔnɔ hali won to bara na raba, Ala tan nɔma won nakiside.

³ Won xa saate tongo won Marigi Ala bɛ mɛɛfe si gbɛɛ ginɛ ra, alɔ i tan nun Ala yaragaaxuie wama a xɔn ma ki naxɛ. Won xa Ala xa seriye rabatu.

⁴ Yandi, i xa muxu mali, muxu xaxili tixi i tan nan na. Muxu na i xanbi ra. I i sɛnbe so, i fe raba naxan lanma a xa raba.»

⁵ Na temui Annabi Esidirasi naxa sɛrɛxɛdubɛ kuntigie, Lewi bɔnsɔɛ mixie, nun Isirayilaka birin nakali na masenyi ra. E to gɛ e rakalide,

⁶ Annabi Esidirasi naxa keli Ala xa banxi naade ra, a siga Eliyasibu xa di Yehoxanan xɔnyi. A nu na naa temui naxɛ, a mu sese don, a man mu ye min pama xa wali kobi xa fe ra.

⁷ Masenyi naxa rayensen Yudaya nun Darisalamu kui, a mixi naxan birin keli konyiya kui, e xa e malan Darisalamu.

⁸ Kuntigie nun forie man naxa a fala a mixi yo naxan tondima na ra beenun xi saxan bun, na kanyi harige birin bama nε a yi ra, a man fa keru Isirayilakae ya ma naxee kelixi konyiya kui.

⁹ Xi saxan kamalixi λoxε naxε, Yudayakae nun Bunyaminkae naxa e malan Darisalamu. Na naxa sa lan kike solomanaani xi moxoxen nde ma. Nama nu tixi Ala xa banxi de ra. E birin nu serenma na λoxε nate tongoxi xa fe ra, nun tune belebele fan nu na fafe.

¹⁰ Serexedube Esidirasi naxa keli, a a masen e be, «Wo bara wali paaxi raba si gbete ginε doxofe ra. Na bara findi yunubi xungbe ra Isirayila be.

¹¹ Wo xa wo xa yunubi masen wo babae Marigi Alatala be. Wo man xa a sago raba. Wo xa gbilen yi si gbete mixie nun e xa ginε foxo ra.»

¹² Nama birin naxa a yaabi e xui itexi ra, «Awa, muxu bara tin na ra, alo i a falaxi ki naxε.

¹³ Konoxo pama gbo, tune fan na fafe yi temui. Won mu noma yi fe ya ibade tande ma. Xi keren xa na mu a ra xi firin fe mu yi ki, barima mixi gbege bara yunubi fe raba won ya ma.

¹⁴ Kuntigie xa lu be pama xili ra. Naxee birin si gbete di ginε doxoxi won ma tae kui, e xa fa keren keren yi ra waxati ma naxan tongoxi e be. Taa yo taa xa forie nun kiitisae xa nee xa fe mato han Ala dijema won ma temui naxε.»

¹⁵ Asaheli xa di Yonatan nun Tikifa xa di Yaxaseya naxa kafu Mesulama nun Sabetayi

Lewi bɔnsɔɛ mixi ma, e gbansan mu tin na xaxili ra.

¹⁶ Kɔnɔ e boore naxee kelixi konyiya kui, nee naxa tin na nate tongoxi ra. Annabi Esidirasi sɛrɛxɛdubɛ naxa kuntigi keren sugandi xabilɛ keren keren birin ya ma. E naxa na fe mato fɔlɔ kike fu nde, xi singe ra.

¹⁷ Kike singe xi singe nde ra, e naxa gɛ na xɛmɛɛ xa fe ya ibade naxee ginɛ gbɛtɛɛ dɔxɔ.

¹⁸ A naxa a li, sɛrɛxɛdubɛɛ fan xa di ndee nu bara si gbɛtɛ ginɛɛ dɔxɔ, alɔ Yesuwa xa di ndee, Yosadaki xa di, nun a xunyaɛ, Maaseya, Eliyeseri, Yaribu, nun Gɛdalaya.

¹⁹ E naxa laayidi tongo e xa e xa ginɛɛ bɛɣin, e man xa yɛxɛɛ kontonyi ba sɛrɛxɛ ra e xa yunubi xa fe ra.

²⁰ Nee xilie nan ya:

Fatanfe Imeri xabilɛ ra: Xanani nun Sebadaya.

²¹ Fatanfe Xarima xabilɛ ra: Maaseya, Eliya, Semaya, Yɛxiyɛli, nun Yusiya.

²² Fatanfe Pasura xabilɛ ra: Eliyowenayi, Maaseya, Sumayila, Netaneeli, Yosabadi, e nun Elaasa.

²³ Fatanfe Lewi bɔnsɔɛ ra: Yosabadi, Simeyi, Kelaya, naxan man xili Kelita, Petaxiya, Yudaya, nun Eliyeseri.

²⁴ Kelife bɛɛtibae ya ma: Eliyasibu.

Kelife Ala xa hɔrɔmɔbanxi naadɛ makantamae ya ma: Salumu, Telemi, nun Uri.

²⁵ Boore Isirayilakae xilie nan ya naxee na mɔoli rabaxi:

- Fatanfe Paroso xabile ra: Ramiya, Yesaya, Malakiya, Miyamin, Eliyeseri, Malakiya, nun Benaya.
- 26 Fatanfe Elama xabile ra: Mataniya, Sakari, Yexiyeli, Abidi, Yeremoti, nun Eliya.
- 27 Fatanfe Satu xabile ra: Eliyowenayi, Eliyasibu, Mataniya, Yeremoti, Sabadi, nun Asisa.
- 28 Fatanfe Bibayi xabile ra Yehoxanan, Xananiya, Sabayi, nun Atelayi.
- 29 Fatanfe Bani xabile ra: Mesulama, Maluku, Adaya, Yasubu, Seyala, nun Yeremoti.
- 30 Fatanfe Mowaba Paxati xabile ra: Adina, Kelali, Benaya, Maaseya, Mataniya, Besaleli, Binuwi, nun Manasi.
- 31 Fatanfe Xarima xabile ra: Eliyeseri, Yisiya, Malakiya, Semaya, Simeyon,
- 32 Bunyamin, Maluku, nun Semaraya.
- 33 Fatanfe Xasuma xabile ra: Matenayi, Matata, Sabadi, Elifeleti, Yeremayi, Manasi, nun Simeyi.
- 34 Fatanfe Bani xabile ra: Maadayi, Amarama, Yuweli,
- 35 Benaya, Bedeya, Keluhayi,
- 36 Faniya, Meremoti, Eliyasibu,
- 37 Mataniya, Matenayi, nun Yaasu.
- 38 Fatanfe Binuwi xabile ra: Simeyi,
- 39 Selemiya, Natan, Adaya,
- 40 Makinadebayi, Sasayi, Sarayi,
- 41 Asareli, Selemiya, Semaraya,
- 42 Salumu, Amaraya, nun Yusufu.
- 43 Fatanfe Nebo xabile ra: Yeyiyeli, Matitiya, Sabadi, Sebina, Yido, Yoweli, nun Benaya.

44 Yi mixi birin nu bara si gbete ginεe dɔxɔ, nde nu bara die bari.

Soso Kitaabuie: Tawureta, Yabura, Inyila
The Holy Bible in the Susu language of Guinea (Soso
Kitaabuie: Tawureta, Yabura, Inyila Bible)

copyright © 2015 Mission Évangélique Réformée Néerlandaise et les
Traducteurs Pionniers de la Bible

Language: Susu

Contributor: Mission Évangélique Réformée Néerlandaise

This translation is made available to you under the terms of the Creative
Commons Attribution-Noncommercial-No Derivatives license 4.0.

You may share and redistribute this Bible translation or extracts from it
in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

2020-11-11

PDF generated using Haiola and XeLaTeX on 18 Apr 2025 from source
files dated 29 Jan 2022

f1d08866-ea3e-5b9b-b506-e7690c5c61d2